



Skolverket

Utbildningsinfo

Programa ji bo karê destan û hilberînê (produksiyon)

Programa ji bo karê destan û hilberînê (produksiyon) berê xwe dide wan kesan ku dixwazin bi karê destan yan jî bi cureyên cuda yê hilberînê re mijûl bibin.

Program ji bo wan kesan e ku hez dikin bi awayên pratîkî berhemek biafirînin.

Di programê de van tiştan hîn dibî

Tu dê bi wezîfeyên di beşên karê dest û hilberînê de kar bikî.

Tu dê hîn bibî ka karê dest û hilberînê çawa pêk tê û ka mirov makîne, alav û hacetan çawa bikar tîne.

Ev dikare form û şikildan, hilberîna hacetên karê destan, montaj û lehîmkirin be.

Tu her weha hîn dibî ku makîne û hacetan bi awayeke ewle û bi emnîyet bikar bînî.

Tu hînê rêbazên cuda yê afirandin û hilberînê dibî. Û her weha di derbarê materyalên di karê destan û hilberînê de tene bikaranîn zanebûnan werdigirî.

Di programê de bi kesên din re bi hev re perwerde dibînin ku bi servîseke baş bi însanan re danûstendîne bikin.

Pirsên jîngeha kar beşeke girîng ya programê ye, ji bo ku di pêşerojê de tu li cihê kar zêrê nebin û her tim bibî xwedî tenduristîyeke baş.

Program wiha hatiye amadekirin

Di programên neteweyî de dersên ku herkes divê bixwîne hene. Ji vana re dibêjin dersên hevpar yê dibistanên taybet yê lîseyê.

Ev ders vana ne:

- inglîzî
- xebata estetîkî
- dîrok
- spor û tenduristî
- matematîk
- xwezazanî
- olzanî
- civakzanî
- swêdî yan jî swêdî weke zimanê dûemîn.

Dersên hevpar yê programê

Di programê de dersên pişeyî yan jî dersên taybetmendî hene ku ji wan re dibêjin dersên hevpar yê programê. Hemû şagirdên di programa karê destan û hilberinê de de van dersan bixwînin:

- form û dîzayn,
- karê destan û hilberinê (produksiyon)
- materyal û alav û hacet.

Pêdaketina hûrûkûr ya programê

Tu her weha çend dersên din jî dixwîni ku di beşa te hilbijartîye de bêtir zanebûnan dide te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe jî dibistana miraceatê wê dikî bipirsî ka li cem wan kîjan dersên pêdaketina hûrûkûr ya programê têne dayîn.

Her weha li ser webcîhê www.skolverket.se, di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

Hilbijartina şexsî

Tu her weha hilbijartîneke şexsî jî dikî. Tu dikarî çend dersên ku di programê de cîh nagirin, lê ji aliyê hemû şagirdên li dibistanê ve dikarin werin xwendin, hilbijêrî.

Pîlana dersan

Ji bo her dersek li Lîseyê perwerdeya taybetî pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

Not û qarne

Dema kursek bi dawî bû tu jê not werdigirî. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

Apl

Wan zanebûnên ku te li programê wergirtîne li kargehekê dikarî biceribîni û bikarbinî. Ji vê re dibêjin perwerdeya li cihê kar (arbetsplatsförlagt lärande, apl).

Xebata Lîseyaya perwerdeya taybetî

Bi armanca ku nişan bidî tu ji bo wezîfeyên cuda yê xebatê baş amade yî tu dê xebateke di Lîseyaya perwerdeya taybetî pêk bînî.

Ji ber ku divê xebata Lîseyaya perwerdeya taybetî temamiya perwerdeya te nişan bide tu vê yekê di dawîya perwerdeya xwe de pêk tînî.

Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kurs hatine rêzkirin ku tu dê di dema xwe ya lîseyê de bixwînî.

Hemû biryarên di derbarê ka tu dê çi bixwînî de pêwîst e di pîlana perwerdeyê ya şexsî de çih bigirin.

Dîploma Lîseyaya perwerdeya taybetî

Dema tu piştî çar salan Lîseyaya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseyaya perwerdeya taybetî hatine nivîsandin.

Ev dîploma nişan dide ka te di nav çar salên xwe yê li Lîseyaya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye wê demê tu dibî xwediyê perwerdeyêke temamî ya dibistana lîseyaya taybet.

Di programê de wisa dixebitî

Di programê de li ser pirs û problemên cuda bi awayên teorîkî û pratîkî kar dikî. Tu hem bi tena serê xwe kar dikî hem jî bi tevî kesên din re. Tu bi awayên cuda hevkarîyê diceribînî.

Di programê de li ser nîqaşkirinê, fikirandin û gotina nêrîna xwe mijûl dibî.

Tu her weha hîn dibî ku îzah û îfade bikî ka tu problem û pirsên xwe çawa çareser dikî û dersên xwe pêk tînî.